

Orkustofnun
Skúli Thoroddsen
Grensásvegi 9
108 REYKJAVÍK

Garðabær, 07. mars 2013
2013020018/42-0
KJ/TB
jgo/tb

Stolt Sea Farm Holdings, umsókn um nýtingu á vatni á Reykjanesi

Vísað er til bréfs frá Orkustofnun, dags. 14. febrúar sl., þar sem óskað er eftir umsögn Náttúrufræðistofnunar Íslands vegna umsóknar Stolt Sea Farm Holdings hf um leyfi til að nýta grunnvatn, sjó, þ.e. jarðsjó úr borholum í landi HS Orku í Reykjanesbæ.

Náttúrufræðistofnun Íslands gerir ekki athugasemd við að jarðsjór sé nýttur á þessu svæði. Stofnunin leggur áherslu á að nýtingin valdi sem minnstu raski og að fullt tillit sé tekið til 37. gr. laga um náttúruvernd þ.e. vernd hrauna. Miða skal við að koma í veg fyrir alla frekari röskun á hraunum á þessu svæði.

Náttúrufræðistofnun getur ekki látið hjá líða að benda á, í tengslum við rask á hraunum, forkastanlegt val á staðsetningu fiskieldisstöðvar fyrirtækisins Stolt Sea Fram Holdings í óröskuðum hluta Stampahrauns, sem er sögulegt hraun frá 13. öld, í stað þess að nýta þegar röskuð svæði. Til dæmis við sjótökusvæði rétt norðvestan við stöðvarhús Reykjanesvirkjunar, eða á gamla iðnaðarsvæðinu.


Í greinagerð deiliskipulags og umhverfisskýrslu segir m.a. að ef starfsemin verður lögð niður verði sjónræn áhrif af byggingum endurkræf með því að fjarlægja byggingar/mannvirki af framkvæmdasvæðinu. Jafnframt er tekið fram í umsókninni að eftir standi malarplan sem muni gróa upp með tíð og tíma! Náttúrufræðistofnun getur ekki varist því að benda á að ef það er skilningur þeirra sem reka fyrirtæki á svæðinu að malarplön og einhver gróður sem þar mun koma til með að vaxa, ef rekstur verður lagður niður, endurheimti landslag í Stampahrauni þá þarf að setja mjög strangar kröfur um umgengni og eftirlit með rekstri á svæðinu. Jarðminjar á þessu svæði eru með þeim merkari á Íslandi og ótrúlegt hve lítill skilningur er á því hjá þeim sem fara með leyfisveitingarvald og skipulagsvald.



Virðingarfyllst



Jón Gunnar Ottósson
forstjóri



Trausti Baldursson

Afrit: Umhverfis- og auðlindaráðuneytið, HS Orka hf. Reykjanesbær

